

«ՔԱՂԱՔԱԿԱՆ ՄՇԱԿՈՒՅԹԻ ԵՎ ՀԱՄԱԶԱՅՆՈՒԹՅՈՒՆՆԵՐԻ  
ԶԱՐԳԱՑՄԱՆ «ՇԻՐԱԿ ԿԵՆՏՐՈՆ» ՀԿ

ՀՀ, 3104 Գյումրի, Վարպետաց 176, 301, 303  
հեռ. +(374 312) 6-69-92, +(374 91) 45-13-37, +(374 55) 06-69-92  
Էլ փոստ՝ info@shirakcentre.org  
Կայք՝ www.shirakcentre.org

ՀՀ վարչապետ Տիգրան Սարգսյանին  
ՀՀ քաղաքաշինության նախարար  
Վարդան Վարդանյանին

*Դիմում – առաջարկ*

Աղետի գոտու բնակավայրերում քաղաքացիներին բնակարանների արտահերթ  
հատկացման կարգում փոփոխություններ կատարելու մասին

Հարգելի պարոն նախարար

Աղետի գոտում երկրաշարժից անօթևան ընտանիքներին պետության կողմից  
բնակարանանային փոխհատուցման ավելի քան երկու տասնամյակ ձգձգվելու  
պատճառով բնակարանի հավակնորդ հարյուրավոր ընտանիքներում առաջացել են  
մի շարք խնդիրներ, որոնք նրանցից շատերին առանց ՀՀ կառավարության  
բնակբաշխման կարգը սահմանող որոշումներում փոփոխությունների  
հնարավորություն չեն տալիս համալրել բնակարաններ ստանալու համար  
պահանջվող փաստաթղթերի փաթեթները և մասնակցել բնակարանների բաշխման  
գործընթացին:

Երկրաշարժից անցած 23 տարիների ընթացքում բնակարանի շահառու շատ  
ընտանիքների ներսում ձևավորվել են մեկից մինչև մի քանի նոր ընտանիքներ,  
որոնք սակայն, գործող կարգի համաձայն, միասին ստանալու են մեկ բնակարան,  
բաղկացած այնքան սենյակներից, որքան նախկին մեկ ամբողջական ընտանիքը  
կորցրել է երկրաշարժի ժամանակ: Մեր գրասենյակ են դիմում բազմաթիվ  
ընտանիքներ, որոնց կազմում հաշվառված մեկ կամ մի քանի անդամներ,  
համաձայնության չգալով ստանալիք բնակարանների ապագա պատկանելիության  
հարցում կամ այլ դրդապատճառներով՝ հրաժարվում են ընտանիքի մյուս  
անդամներին տրամադրել իրենց անձնական փաստաթղթերը, ինչի պատճառով  
հնարավոր չի լինում ամբողջացնել պահանջվող փաստաթղթերի փաթեթը:

Աղետի գոտում և մասնավորապես Գյումրիում ներկայումս ընթացող  
բնակբաշխման գործընթացին չեն կարողանում մասնակցել նաև այն 150  
ընտանիքները, որոնք թեև երկրաշարժին բնակարան են կորցրել և մինչև օրս չեն  
փոխհատուցվել, սակայն անօթևանների հերթացուցակում հաշվառված չեն: Մեր  
ուսումնասիրություններով՝ այդ ընտանիքների գերակշիռ մասը վերահաշվառման  
ժամանակ բացակայել են Հայաստանից և փաստորեն զրկված են բնակարան  
ստանալու իրավունքից, քանի որ աղետի գոտում երկրաշարժի հետևանքով  
անօթևան մնացած ընտանիքների հաշվառման կարգը սահմանող կառավարական  
որոշումներով անօթևանների հերթացուցակում հաշվառվելու դիմումների  
ընդունման վերջնաժամկետը սահմանված է եղել 2008 թ. նոյեմբերի 1-ը:

Անտարակույս, աղետի գոտու բնակավայրերում երկրաշարժից անօթևանության խնդրի լուծման նպատակով պետական աջակցությամբ իրականացվող բնակարանային շինարարությունը և բնակբաշխումը կանոնակարգող ՀՀ կառավարության որոշումներում անցած մեկ տարվա ընթացքում կատարված մի շարք փոփոխությունները հարյուրավոր ընտանիքների հնարավորություն տվեցին մասնակցելու բնակբաշխման գործընթացին (<http://shirakcentre.org/hy/lurer/892-shirak-centre-ngo>, <http://shirakcentre.org/hy/lurer/191-2010-08-15-10-38-49>): Սակայն, ինչպես տեսնում ենք, կան ընտանիքներ, որոնք շարունակում են այդ հնարավորությունից զրկված մնալ:

Հարգելի պարոն նախարար

Աղետի գոտում բնակարանների բաշխման գործընթացին բոլոր անօթևան ընտանիքների մասնակցությունն ապահովելու և նրանց խարխուլ տնակներից օր առաջ ձերբազատվելու հնարավորություն ընձեռելու նպատակով առաջարկում ենք բնակարանների բաշխման ՀՀ կառավարության համապատասխան որոշումներում կատարել հետևյալ փոփոխությունները:

Առաջին փոփոխությամբ սահմանել բնակարաններ ստանալու նպատակով ներկայացվելիք փաստաթղթերի փաթեթները աղետի գոտու բնակավայրերում պետական աջակցությամբ իրականացվող բնակարանային շինարարության ծրագրերի շրջանակներում կառուցված բնակելի տների (բնակարանների) հատկացման հարցերով հանձնաժողովին հանձնելու կոնկրետ ժամանակացույց: Նաև բնակբաշխման գործընթացին մասնակցելու հնարավորություն ընձեռել պահանջվող փաստաթղթերի փաթեթները մասնակի համայնքում այն ընտանիքներին, որոնց մեկ կամ մի քանի անդամները գրավոր և պատշաճ իրազեկվելուց հետո էլ հրաժարվում են տրամադրել իրենց անձնական փաստաթղթերն ու մասնակցել բնակարանների բաշխման գործընթացին, իսկ իրենց փաստաթղթերը տրամադրելուց հրաժարվող քաղաքացիներին այլևս չճանաչել բնակարան ստանալու շահառու:

Կարծում ենք՝ երկրորդ փոփոխությամբ անհրաժեշտ է բնակբաշխման գործընթացին մասնակցելու հնարավորություն տալ անօթևանների հերթացուցակում հաշվառման և վերահաշվառման ժամանակ Հայաստանից ժամանակավորապես բացակայելու և տարաբնույթ այլ պատճառներով հաշվառումից դուրս մնացած այն ընտանիքներին, որոնք երկրաշարժին բնակարան են կորցրել, սակայն մինչև օրս չեն փոխհատուցվել:

Մենք համոզված ենք, որ ՀՀ կառավարության համապատասխան որոշումներում առաջարկվելիք փոփոխությունները կատարելու դեպքում աղետի գոտում երկրաշարժից անօթևան հարյուրավոր այդպիսի ընտանիքներին հնարավորություն կտրվի մասնակցելու բնակբաշխման գործընթացին, ինչը կթեթևացնի անօթևանության խնդիրը Գյումրիում:

«Շիրակ կենտրոն» ՀԿ նախագահ՝  
Գյումրի  
14 հուլիսի, 2011 թ.

Վահան Թումասյան

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՔԱՂԱՔԱՇԻՆՈՒԹՅԱՆ ՆԱԽԱՐԱՐՈՒԹՅՈՒՆ

ՆԱԽԱՐԱՐԻ ՏԵՂԱԿԱԼ



REPUBLIC OF ARMENIA  
THE MINISTRY OF URBAN DEVELOPMENT  
DEPUTY MINISTER

РЕСПУБЛИКА АРМЕНИЯ  
МИНИСТЕРСТВО ГРАДОСТРОИТЕЛЬСТВА

ЗАМЕСТИТЕЛЬ МИНИСТРА

37510, ք.Երևան, Հանրապետության հր.  
Կառավարության տուն 3  
37510, г. Ереван, ул. Республика,  
Дом Правительства 3  
Government House 3, Republic Square,  
Yerevan 375010  
FAX (3742) 523200  
www.mud.am  
E-mail info@mud.am

08.08.11 N 03/131/3873-11

Ձեր N \_\_\_\_\_ առ \_\_\_\_\_

«Շիրակի մարզ, ք.Գյումրի,  
«Շիրակ կենտրոն» ՀԿ նախագահ  
պարոն Վ.Թումասյանին

### Հարգելի պարոն Թումասյան

Ի պատասխան Հայաստանի Հանրապետության քաղաքաշինության նախարարին ուղղված Ձեր՝ 2011 թվականի հուլիսի 14-ի դիմում-առաջարկի, հայտնում եմ.

Գյումրի քաղաքում երկրաշարժի հետևանքով անօթևան մնացած, սահմանված կարգով հաշվառված և քաղաքում իրականացվող բնակարանային շինարարության ծրագրի շրջանակներում բնակարան ստանալու հավակնող ընտանիքների կողմից ամբողջական փաստաթղթային փաթեթների ներկայացման ժամկետ սահմանելու, ինչպես նաև ընտանիքի որոշ անդամների կողմից փաստաթղթեր չներկայացնելու պարագայում մասնակի համալրված փաստաթղթային փաթեթ ունեցող ընտանիքներին բնակաբաշխման գործընթացին մասնակցելու հնարավորություն ընձեռելու, իսկ ընտանիքի փաստաթղթերը տրամադրելուց հրաժարվող անդամներին բնակարան ստանալու իրավունքից զրկելու հարցերը քննարկվել են աղետի գոտու բնակավայրերում երկրաշարժի հետևանքով անօթևան մնացած ընտանիքների բնակարանային խնդիրների լուծման նպատակով պետական աջակցությամբ իրականացվող բնակարանային շինարարության ծրագրերի շրջանակներում կառուցված բնակարանների (բնակելի տների) հատկացման հարցերով հանձնաժողովի դեռևս 2011 թվականի հուլիսի 13-ին Գյումրի քաղաքում կայացած նիստում Ձեր մասնակցությամբ:

Քննարկման արդյունքներով բնակարան ստանալու հավակնող ընտանիքների կողմից ամբողջական փաստաթղթային փաթեթների ներկայացման ժամկետ սահմանելու հարցի կարգավորման մասով մշակված «Կառավարության համապատասխան որոշման նախագիծը ներկայացվել է շահագրգիռ կողմերի քննարկմանը: Իսկ ընտանիքի որոշ անդամների վերաբերյալ փաստաթղթեր ներկայացնելու անհնարինության հետ կապված հարցին «Կառավարության կողմից անդրադարձ է կատարվել դեռևս 2010 թվականին և հարցի կարգավորման նպատակով «Կառավարության 2009 թվականի նոյեմբերի 26-ի N 1402-Ն որոշման 2-րդ կետի 5-րդ ենթակետում կատարվել է համապատասխան լրացում:

Ինչ վերաբերում է երկրաշարժի հետևանքով անօթևան մնացած, սակայն ՀՀ կառավարության 2008 թվականի սեպտեմբերի 11-ի N 1024-Ն որոշմամբ սահմանված՝ աղետի գոտու բնակավայրերում երկրաշարժի հետևանքով անօթևան մնացած ընտանիքների վերահաշվառման վերջնաժամկետում՝ 2008 թվականի նոյեմբերի 1-ի դրությամբ չհաշվառված ընտանիքների բնակարանային ապահովման խնդիրը ներկայումս իրականացման փուլում գտվող բնակարանային ապահովման ծրագրի շրջանակներում լուծելու վերաբերյալ արված առաջարկությանը, ապա հայտնում, որ դրան հնարավոր է անդրադառնալ երկրաշարժի հետևանքով անօթևան մնացած մոտ 7000 ընտանիքների բնակարանային խնդիրների լուծման նկատմամբ ՀՀ կառավարության 2008 թվականի հունիսի 12-ի N 23 արձանագրային որոշմամբ հավանության արժանացած հայեցակարգով ձևավորված պարտավորությունները կատարելուց հետո:

Հարգանքով



Ա.Հակոբյան

Ե.Աթայան  
52-46-80